

泰和縣志卷三十六



吉安府泰和縣知縣高陽冉棠重輯

藝文志



傳

五荆傳

劉崧

□□有五兄弟居邑之武山下其長者曰翀次者曰璉曰璉曰璉曰翬翀之父自新璉之父自明皆先卒璉之

泰和縣志

卷三十六

藝文

傳

一

父自成年且垂老故無恙五人者皆嚴視之又能通有無均瘠肥同休戚敦叙友睦勤好詩禮每旦各督僮奴出耕歸則相與讀書鳴琴吹弄簫箏以歡聚於一堂之上□□言焉會有旨起均糧成甓自成以田稅業等任總□事造運舟命翀往涖之或有察其黨與並為奸利者朝廷□官出讞翀引服在行既而慮自成弗安即以書慰其家謂叔父年老宜留已當自行也自成聞而不悅得翀書輒碎裂之不復視曰吾兄早亡僅一子又未□□□□以往乎乃出告姪其寘誣冒自成名在以□

成實□□二人庭爭不已至相持抱大哭官府不能決卒按籍逐自成而出翀哭於門外不去自成遙勞之曰汝亟歸視家事萬無以老身為慮也聞者傷之後□以自成送臺獄議役終其身以貸死且往屯淮滁間翀與□弟□而聚謀曰吾叔父其遂不返乎今官府事方殷□分力以共濟衆曰諾時翬最少乃命翬率子姪以就學而命□督耕稼命翀造縣服役事而已與翀將更迭往省於滁州會檄下有罪者許輸粟河州以自贖□即日收其家貲貨得若干先遣翀齎往京師以聽命久

之不報翀憂憤不自勝乃更傾貲產至斥婦女粧奩得錢鈔若干以繼益之將行其長子女遽嬰疾暴卒翀不暇顧而去先自成在滁陽聞翀來亟命為書緩之翀不為止比至京則前贖律且格不行翀過滁陽與其弟翀先後在侍凡三十餘日而返家故有隙地當中堂之北□弟旦夕嘗游息焉或言某所有紫荆樹可移植者□□之則同根而幹者凡五衆異之以為紫荆兄弟數也而其數若有合焉久之芽葉分敷其間一幹乃獨異而非是衆曰宜去之且祝曰符吾兄弟也宜更生未□□

茁而上挺者視之果荆樹也衆則大喜遂酌酒酌之設具筵焉翀為之賦五荆詠以示諸弟賓客合而和之者若干人余時親見之故不敢泯滅焉而為之傳且將使居□陽者聞而喜慰焉贊曰田真之事遠矣昔陸士衡賦豫章行謂三荆欲同株而孝友傳又謂古有兄弟忿欲分異出見三荆同根接葉連陰而止其即田真歟抑古者固自有其事與然未聞有五荆者今蕭氏兄弟罹患難蹈顛沛極矣而所以和其家同其心者不變而益堅則荆之發祥也宜哉夫始而視之以見類之異者猶

泰和縣志

卷三十六

藝文

傳

三

可以同其榮况同氣乎終而視之以見類之真者乃所以應其氣之同固自有不可得而缺者與抑五陽數也人稟於五行而道五常竒之為一偶之為二三之為三五之為五至五為變不勝窮焉意者草木固有得夫氣之先者與昔孔子誦唐棣之詩而以父母其順贊之嗟乎蕭氏兄弟尚益培其本保其榮固其翕而思所以順其父母乎

西江志

羅洞晦先生傳

逸名

公諱韜字洞晦一字晦夫唐末清修苦學淡於聲利隱

居不仕南唐徵授長沙通判大有惠政賜勅褒嘉病免歸益勵於學久之除端明殿學士不拜獻丹宸四箴曰訥誨曰防機曰賞廉曰革蠹上悅而禮之賜金幣以歸愛匡山山水徙居之授徒講學四方來從者至無所容建書院於山之麓設孔聖殿五經閣置田膳學以便學者因號匡山事聞明宗賜額匡山書院勅曰朕為三代盛時教化每由於學校六經散後斯文尤託士儒故凡閭巷之書聲實振國家之治體若前端明殿學士羅韜積學淵源莅官清謹訥誨防機之鑑允協朕心賞廉革

泰和縣志

卷三十六

藝文傳

四

蠹之箴顧存宸席尋因養病遂爾還鄉後學雲從館起匡山之下民風日善俗成東魯之區朕既喜聞可無嘉勵茲勅翰林學士趙鳳大書匡山書院四字為之扁題俾從遊之士樂有瞻依而風教之□未必無小補焉時長□三年八月日也及卒門人追思之私謚靜逸先生稽是時學校之政未有修明士溺於詞章取具應制公崛起以聖學為己任興起斯文垂老不倦雖著述無傳其制詞實修實詣已可概見有宋道學之盛公蓋與有

開先之力云

康熙志

鄧大椿先生傳

陳謨

士君子出官不幸而得巖邑宜死處巖邑而下無以庇其民上無以承乎公宜死雖上無以承乎公而下苟可以庇其民則雖死如生鄧君大椿始以終場舉子就徵洪武四年授四川省合州石照縣知縣賜銀帶朝服及至官嵩萊滿目君肇立官署招徠流亡勸農興學職所當為者靡不興舉無何革併郡縣石照遂廢改除知重慶府涪州彭水縣縣介蠻獠萬山間俗習異中土刀耕火種棲巖遁穴饑則殺獸糧蕨以為常知有人道而不

泰和縣志

卷三十六

藝文

傳

五

知有仁義君以禮樂之化□其善良以刑法之懲鋤其強梗民相率服化先是隣縣□江有丞姓方者以本縣舊管軍籍申達事未施行而□江□於彭水至是令下君盡得其軍以遣軍有姓陳□又於兵部誣彭水民為軍甚衆部遣彭主事至急於得軍虎威以逞君力爭民不可入軍主事徵益勵君度不容展則曰吾有死耳良民不可籍也籍良民宜死不籍良民亦死遂自縊府以事上聞即曰免彭水軍民感其德配享於城隍祠□□繪像蒸嘗之洪武五年壬子十二月也十一年□□□

□性□始歸骨於故鄉始君之死同僚移文泰□□□
而性□牽掣不得即往至是所賜銀帶已送還□而性
善實來然君之行李手筆與其同僚祭文士庶哀挽皆
完以歸亦可嘉已

新志

南樵道者傳

周是修

廣陵之西泰和之北禾川之流出焉至灘江迤東蕩然
平緬為螺溪鉅野沃饒而常稔者百萬餘頃富民匝其
原以處者棋布星列溪之南羣峰聳拔巘壑深秀有徑
通邑行六七里望之雲木参天風湍殷地廬舍田園映

泰和縣志

卷三十六

藝文

傳

六

帶依約宛然盤中之勝者著姓胡氏之居也胡氏出宋
忠簡公銓之族衣冠文物代不乏人若允中號南樵者
是族之尤彥者也幼聰敏魁岍不凡比長重義好文有
聲江右性情雅愛所居之南峰巒叢翠嘗以綜理之暇
葛巾羽扇携小童操斧斤入松篁陰翳泉石幽夔境與
意會之處為樵采以自適曰人生斯世趣向觀其紛紛
攘攘於交衢鬧蠅營鳥聚所爭者貨利多得以為快迷
而不知悟往而不知返是豈知吾樵之有真樂哉吾樵
於朝也日出霏開孤雲徘徊臨清流以濯足坐茂樹而

□□長肅一聲天風徐來飄飄乎雖物外之仙□□□
過夫豈若買臣之傴僂拮拾而徒以薪為哉吾樵於□
也夕陽在山煙景冥冥禽鳥交響麋鹿並行方捫蘿而
出谷亦披榛而經垆顧視束擔曾不足熟一豆羹郊藿
伊邇稚子歡迎又豈若買臣之憂勞蹭燈而遭愚婦之
輕哉至吾樵而歸也則西樓月上左琴右書几席陳列
憑軒俯睨萬物浮萍於是命酒高酌悠然而陶情未知
天地之間復有何樂可以代此彼金谷鄙塢誠何足以
久恃與夫十朱輪六相印又安能必其終榮是皆非吾

泰和縣志

卷三十六

藝文

傳

七

之所樂吾之所樂其唯寓於樵乎乃為之歌曰吾樵於
何兮於彼南峰吾樂於何兮於樵之中人孰不樵兮往
來翩翩以樵為樂兮吾則獨然人不吾知兮吾不以告
優哉游哉從吾所好好事者有和之者曰南峰之樵兮
君子娛之峰陰之堂兮君子歸之樂其樂而不饜兮於
峯之間孰若發其所蘊兮覲於龍顏披闔闔而呈琅玕
兮以敷以奏以兼善於天下兮光前振後南樵聞而笑
之復和之曰吾知吾樵兮不知利達之為心吾知吾□
□兮不知巖廊之高深如子之言兮吾寧不喜行止由

□兮曷曰由己君子居易兮不忮不求進則廟堂兮退則□邱無往而不自得兮其心休休其心休休兮其樂悠悠好事者憮然曰命之矣是修周子居京師聞南樵之樂之無窮又聞其與好事者和答有高世委順之志傳其事使聞南樵之風者於薄俗亦有勵焉

贊曰昔諸葛孔明隱居而樂於耕怡然自適初未嘗有千世矯俗以求聞達之意及其遇明君而強起風雲際會如魚水之合得志於當時垂名於後世若此其盛南樵抱木樂義而隱於樵亦何異於孔明之耕乎况今聖

泰和縣志

卷三十六

藝文

傳

八

人在上羣龍滿朝拔茅連茹南樵果得終隱於樵乎殆不□□也然則其亦部謂斯人之徒與好事者之歌其不亦可徵與

芻蕘集

□伯貞傳

梁潛

公□□字伯貞姓王氏吉之泰和人其先世蓋多顯者獨公父祖數世不仕父子與元季授福建行省照磨改吉安路治中皆不受國朝初開端本堂召至以為說書既而授福建鹽運司副使以老疾乞還鄉里所居種竹滿亭學者尊師之因號為竹亭先生公自幼學易于其

家性極穎敏時安成劉雲章先生嘗從虞邵菴先生講明理學得濂洛圖書太極之蘊公往受業焉時共學者數人□生獨稱公足以任重行遠久之公追省其季父於□所窮蒼梧三湘之勝泝大江歷三峽以縱覽夫岷峨之□而其氣益浩然洪武十五年以聘至京師同時至者凡五百餘人太祖皇帝親御奉天門試之公所對為第一既而與論太極公之說尤稱上意授試僉事出按廣東雷州既至問利病於氏言恃呂□之水灌東洋田萬頃乃寇準所開故渠也不可廢不旋踵公去而渠

泰和縣志

卷三十六

藝文

傳

九

復民大便之改工部主事丁外艱去官以起復後期謫居安慶者十年復用薦起知瓊州公是時年幾六十矣精練之才博達之識隱然蓄之益深而其溫厚和易之氣藹如也先是崕州黎民報讎殺人而府衛以反聞且張大其事冀用兵得漁取於其中遂發衛所之兵往勦之一方汹然會公至廉其實以身任之卒捕讎殺者數人以復于朝兵卒不發而崕之民賴以無事瓊之野其□□常三穫以賦于軍然軍中收不時受俟民乏而□□則因之以要利焉公為立期以三輸之其弊遂絕□

甲申瓊大旱公禱之大雨既而聞城南十五里外至口
瀾浦尚不雨公又禱之詰旦適往清瀾浦視番舶雨亦
隨至民為之鼓舞曰太守雨數年其政大行獄訟止息
舊嘗為奸利病民者皆屏迹不敢出有欲陰伺公之短
而挾持之者久之無所得卒亦化服為良民田野日闢
流民相率來歸者萬三千餘口郡既無事遂新學校課
諸生一意於數化蓋在郡中十五年而以病及往來道
路之日半也然環瓊數千里內凡三州十三邑其民無
問識與不識皆愛公如父母其以內艱去也號泣而送

泰和縣志

卷三十六

藝文

傳

十

者十餘里不絕是時廣之東語賢守公為最焉服闋改
知肇慶府未行而疾作卒于北京萬寶坊時年蓋七十
五矣公平生尤孝友其季父無子公事之如父事其繼
母尤篤其學無所不通為文高邁有古意其於性命道
德之理則得之於師承之間蓋深矣子與公同里且有
世好自公之守瓊適予為令肇慶連易三縣聞其行事
尤詳及予為史官于翰林公之子直亦以科第入為同
官故其没也予既哭之以辭因又取直所為公行狀叅
次所聞者為之傳云

贊曰余往年數見公飯啖異於常人志氣偉然亦何口
壯哉而今羸然身不能勝衣舉觴微噍輒止豈既老而
衰者如是耶然予竊觀公形雖憊其神益精明至死不
少變則其所養之厚自有不隨氣而耗者矣然予又聞
公在蜀時往來青神峨眉之間遇異人授書頗元秘果
然則公之所自得固有異於常人者乎予不能盡知之
姑述其為政之槩以俟異時太史氏著循吏者采焉

泊菴集

錢可大傳

梁潛

泰和縣志

卷三十六

藝文

傳

十一

可大名娒姓錢氏本吳越王鏐之後歷廬陵刺史匪再
世曰和自廬陵徙吉水又四世曰程程之子誠可皆以
科第有聲而可大之祖本和號梧岡先生者尤篤行之
士也可大生十八月而孤稍長性穎敏年十三以書經
中臨江路賞試既又中撫州路賞試然是時元祚日非
紅巾盜起所在皆爭為雄長自至正丁酉五六年士大
夫顛頓甚矣可大奉其祖及其母崎嶇以避之走廬陵
之富田遷泰和之梅岡既又走其邑之大洲尋又奔走
雷州最後廬陵之李坑李坑路極險盜又追及之梧

被鎗不死縛之以行可大聞即冒白刃奔訴乞□□□盜并繫之可大訴不已梧岡亦哀訴其無子唯此一孫耳兩人因爭相代死情益悲慘賊憐其意遂兩釋之可大方脫時其母尋亦被執而可大妻張氏翳伏叢薄中窺見賊已執其姑即自出迎謂賊曰我姑老矣請釋姑而□我賊熟視良久即解縛其姑縛張氏張氏既就縛擲所携袖中雙鞋與其姑訣曰婦無用此矣且行且睥睨其姑稍遠即罵賊不復肯行遂死之變故倉卒之頃而一時憤然求死以全生者若素約然何其可悲也國

朝兵定有司以可大之賢凡三薦之皆以親老辭親既沒終身為之悲痛梧岡故所築樓可大每一登之輒流涕因名之曰思樓其孝行篤至世蓋少見也然其為人頗豪健慨然以氣自負鄉有劇寇嘗殺人有司憚不敢捕以屬可大可大立捕殺之年若干卒于家一子曰遂志今以科第得官為山東按察僉事云

贊曰吾嘗過錢氏所居其地今所謂錢塘者愛其山水清曠因登高而望焉其南數十里外峻峰雖起視衆山特高云其北即宋丞相文信公故居也諸老人言丞相

往事與史傳所記殊異因言可大之避亂也居其山口
最久其被執也亦幾不免余既壯其山川又聞可大事
思見其人而不可得也因為之傳云

泊菴集

一槎翁傳

梁 潛

一槎翁泰和人年方冠從事入臺府聲籍甚既而入禮
部將命于四方負盛氣英偉動人選為給事中命方下
以憂去目是沈滯低徊者三十餘年凡六者皆卑官最
後為江都典史尋復罷去皇□即位以高皇帝舊臣例
加賚予俸退休于家然一槎鬚髮皓然老矣自以宦途

泰和縣志

卷三十六

藝文

傳

十三

飄泊之餘風波所激觸枯朽而摧濯生意盡矣而猶汎
乎不知其何所止也因自號為一槎其生平政績有過
人者一槎皆委擲棄去不肯自道於人因念一槎方壯
時面如玉雪秀眉踈髯高材而俊畧雄邁蓋一時使遭
遇知己出其所長而用之其所至何如也今既頽暮猶
時矍然有意時務性喜飲飲酣而歌聲如金玉諧嬉敖
謔機應不窮然一槎外若黠而中情實朴人每從其後
揶揄之一槎不知也嘗一至京師與飲之醉慨然曰吾
之槎今休矣上崑崙而望河漢世無復知我者棲溝壑

之□□□毀梗聚萍相依以少息吾之槎其止於□之
乎乃歸買田負郭築室于故邱輕裘緩帶每與二三故
舊徜徉往還欣然以此終其身也一槎姓羅字仲矩因
其老又謂之一槎翁云

贊曰予聞河南歐陽叅政云羅君在江東為政濶略無
文而洞見隱滯學士儒生多所不喜然甚得民歐陽又
數數問羅君今已老尚康強無恙否其有意於一槎如
此然吾觀一槎甚自適無一毫憊容孔子稱柳下惠不
卑小官一槎其近之哉因為之傳

集□□

泰和縣志

卷三十六

藝文

傳

十四

疾退子傳

梁潛

疾退子泰和人也仕不顯於時又以盲廢故自號曰疾
過子疾退子少時豪邁穎敏氣英英然蓋其五世祖復
之宋神童也疾退子既負其地以自高又不肯阿匱下
於人故所交多一時名士其仕也雖卑官甚廉及廢而
歸也貧蓋甚又盡喪其妻子且老矣練裳草屨低佃蓬
蒿之間巡除卓杖歌聲激乎霄漢然時遇事不平猶拊
膺憤然人望見多引去避之獨所為歌詩人得之無不
愛也自顧無所為於世乃推衍邵子先天數術以則人

之貧富窮達壽夭亦陰以驗其人之賢不肖或得其似焉輒以自笑而喜口固不言也然疾退子尤數竒元亂時嘗與其母俱陷賊中疾退子被傷死道上氣方屬遇他盜憐之擣炭為屑以藥其瘡裂衣以蒙其首氣始蘇血淋漓被面上又負其母四顧甚急忽遇賊帥憫之晉止其旁舍與之賦詩飲之酒而勞苦之明日徑遣出城衆異之以其為孝感也疾退子平生所遭窘迫如此又窮獨終身此豈非命耶蓋人情有不能堪者而疾退子視之泰然古所謂知命者其疾退子哉於乎世之耳目

泰和縣志

卷三十六

藝文

傳

十五

聰明享有百祿意無不得獨其中不能泰然如疾退子者抑獨何也疾退子姓鄧字學詩云

泊庵集

疾退子傳

楊士竒

疾退子者吉之西昌人鄧氏鄧故西昌儒家宋神童復之其五世祖也兄子方及弟子靜博學雄文為鄉碩師號二鄧其伯父父也國朝四川鹽運司經歷崇志以文學德操與楊子淵羅子理齊名稱楊羅鄧者其兄也疾退子名學詩字崇雅有孝行元季之亂安成寇卒入西昌恣殺掠母劉氏老病不能行負之走避隘卷空舍中

踰日寇窮索獲之解所懷金得免繼復有獲之□金已盡矣斫之幾斃繼又有寇至見老母哭其旁甚哀憫之予善藥傅又解衣覆之久乃蘇起負母走避他處道遇渠寇詢知其儒者憫之予酒肉又為詩嘉之遣其下導出城使遠去疾退子少好學負才具有用世之志謂功名可以俛首取其父母亦矜詫其不凡曰是必復振吾宗者皇明既定天下御史劉昭先知縣事以材舉江西行省留為宣使則慨然歎曰士當局促効奔走人階庭下哉即謝病歸無幾縣復舉送於朝授固陵稅課使忻

泰和縣志

卷三十六

藝文

傳

十六

然曰乘田委吏可以行道到官持廉施寬商賈爭欲出其市所入貨羨舊額數倍秩滿徙平陽持已愛民如固陵甫再歲兩目發內障喪明郡以聞命致仕歸則戚然傷其命之窮也自號疾退子疾退子耿介修潔氣岍軒豁不屑意生人事為文章長於詩早喪妻無子既罷官歸輒貧無侍養者是時里中故人口友好義長者往往多在知疾退子生平抱負爭延致之疾退子挾童奴日東西往來飲酒談笑相懽時為歌詩以自適縣令丞皆知而禮之疾退子亦數出直言以裨其政之闕故疾退

子雖廢於盲而其所適於中者猶不廢也歷三十餘年向之故人親友及好義長者或死或遠出外里後生晚出雖以士名有不能究知疾退子平日矧令丞乎於是疾退子以八十餘氣力益衰貧益甚冠帶垢敝十數年不得易衣薄歎歎嚴冬不能出門戶然其所操執益堅不屈人片語不合拂袖去不顧不肯一毫脂韋泆恣狗人以永所欲孔子云歲寒然後知松栢之後凋疾退子非其人與建寧陳士希為縣文學獨愛重疾退子官滿將去念疾退子將無以為終也倡率素所還往者為備

泰和縣志

卷三十六

藝文

傳

十七

歛葬之具廼去自士希去知重疾退子者加鮮矣今有人焉卒起旦莫之間其勢鉅貲厚足以蓋一鄉不必其有德即一鄉之人奔走阿附之恐後至於疾退子則漠然如秦人視越人之肥瘠何趨向之異乎古哉蓋又有以盛衰存沒為戚疏而施諸其同氣者非獨於疾退子然也然疾退子之為人世其可少乎

東里集

羅先生傳

楊士奇

羅先生名性字子理以字行羅故泰和儒家宋有為盧溝主簿曰伯壽嘗割股和藥起親疾縣表其所居坊曰

旌孝者先生曾伯祖也曾祖伯霖祖見可父穀禎□生少孤貧自奮於學初受易於鄉先生韋乾乾繼登康山長宗武之門苦志畢力博記精思夙夜不懈既冠遭元季兵亂走避巖谷崎嶇困窮未嘗廢書卷性耿介一言一行必端不與俗人接雖至戚或涉邪行輒絕之然口未嘗言海桑先生陳心吾嘗稱先生及楊子淵有冰玉之操洪武初詔郡縣立學御史劉昭先知縣采譽望聘先生及子淵鄧彥高三人為之師時號楊羅鄧四年中鄉貢進士明年赴春官勅免會試授德安府同知先是

泰和縣志

卷三十六

藝文

傳

十八

有寇號糟李萬戶者以衆入府治劫殺郡守以下掠庫藏官捕其衆悉就戮獨糟李逸去久不獲詔捕益急踪跡所過宿逮繫數百人諸邑騷然先生初下車民有負一囊詣府言糟李實死矣此其遺骸也問死幾何時矣曰一歲曰始死時曷為不言又驗其鬚髮皆在而皓然白也曰糟李年未四十此安得是耶笞而逐之悉出所繫數百人諭之曰朝廷但欲得□李耳糟李旦出即汝等暮皆寧家何為不自愛體膚乃甘受楚毒而庇一賊耶能從吾言今與汝等期十日獲賊即汝皆良民衆耶

頭曰府公欲生我敢不盡死力乃悉□之七日生縛糟
李至庭下民皆以獲賊勞而遣之命下賦民鐵造軍器
時兵亂初定商旅未通郡民猝無所辦先生居第後治
蔬圃得窖鐵萬餘斤民爭趨求售同官亦勸以售民先
生曰固天以濟民豈為我也悉以代民充賦有餘皆入
官庫銖兩不私焉其冰孽之操愈厲而卹民之心寢食
不忘為政以寬恕為本惟□吏無所假應城縣吏劉仁
盜官麥事覺府逮治之仁□逃匿會按察僉事朱逢吉
過德安仁出誣告先生他事將就鞫湖廣叅政陶凱吳

泰和縣志

卷三十六

藝文

傳

十九

雲按察副使劉某同之馳召逢吉還謂曰君不知德安
有羅同知耶廿七府之賢守裁三人其可以枉忠賢哉

岳州馬知府沔陽彭
知府及先生三人

逢吉卒白其誣而正仁盜麥之罪

在郡四年闕知府皆先生總之秩滿詣京師坐擅用棗
木染軍衣為陳寧所劾謫戍西安行橐無數百錢怡然
就役不以得失置意既至西安之達官貴人皆敬禮之
而安於處賤未嘗一毫干人郡諸生從之受經後多舉
進士去是時四方老師碩儒在西安者數十人吳中鄒
奕獨曰今吾輩所讀書庶幾羅先生之牛盖先生學甚

紀風裁勃勃動人廣西平初置官府簡御史徃任風憲以尋适為按察使先生及胡子祺為僉事子祺曰古新國用輕典先生曰蠻夷之人素昧君臣父子之分瀆倫傷化不及此時明禮法以示勸懲後將難制适從先生議先生所分按郡縣吏民悚然三年偕子祺入覲時王師初平蜀重郡守之寄遂徙先生知崇慶州子祺知彭州崇慶承兵革凋弊之後植仆煦槁隨事盡心民稍復蘇坐累罷歸而從學者日衆先生嚴師道其施教有方務見實效後生晚學望之皆內自斂肅不敢侈肆江陰

泰和縣志

卷三十六

藝文

傳

二十一

徐遜知泰和縣勵精為治聘先生訓導縣學日躬詣問政先生曰示氏以好惡之正而去其蠹耳遜虛己惟先生之言聽而行之不疑於是五六年知泰和者其設施當大體得民心民至今誦道之無厭者莫有遇遜盖自先生導之矣先生孝友忠信嚴毅端方海桑陳先生嘗言王子啟壁立千仞不負所學劉尚書子高言子啟真風紀臣包孝肅不足多也郭敬守曰子啟平居一言一話皆可書簡冊垂法戒蕭子所曰王公秋霜烈日執固當憚之先生擅文章養氣為要中歲以前所著毀於

兵晚獨存長江萬里稿先生年六十有六卒二男子皆
殤卒時惟二女子在其行事舊無紀述梁潛嘗從受經
欲作傳未及而卒余卯角以姻家子恒得侍教猶及見
所藏僉事知州時政事文書充積牖下時不敢有請今
所藏無復有者每念士君子挺持魁傑如先生者一代
無幾人其可使泯而無聞謹記憶耳目所得大槩為此
傳雖言不能詳觀者可推類以得之矣

東里集

周是修傳

楊士奇

周是修諱德以字行周吉之泰和爵譽里名家其先諱

泰和縣志

卷三十六

藝文

傳

二十二

矩者嘗顯於南唐至宋累累有科第其支裔徙灘江里
是修之所自出也是修少孤貧自奮於學從遊鄉先生
胡渚樵渚樵以孫妻之又從國子學錄蕭執先生明詩
經初舉霍邱縣學訓導入見太祖高皇帝擢為周府奉
祠正高皇帝上賓之明年有告言王過失事王府官屬
皆下吏是修以嘗諫得免改衡府紀善預修纂翰林口
陳論國家大計及指斥用事者誤國用事者怒衆共挫
折之是修屹不為動太宗文皇帝靖難之師既渡江駐
金川門宮中悉自焚明日是修留書其家別其友江仲

隆解大紳胡光大蕭用道楊士竒且付後事暮入應天府學自經六月十五日也又明日臣民推戴文皇帝□大統數月御史言是修不順天命請加追戮上曰彼食其祿自盡其心一無所問是修內貞外和有孝友忠信之行□其義不苟取襟懷坦明灑落而冲澹悠然其學自經史百氏下至陰陽醫卜之說靡所不通為文章未嘗締思援筆立就而雍容雅贍詞理條達稍暇著述吟咏不虛寸晷所著有詩小序詩集義詩譜論語類編廣衍太極圖觀感錄綱常懿範邇言家訓芻蕘集進思集

泰和縣志

卷三十六

藝文

傳

二十三

是修汲汲導誘人善人有過失恒為之隱以是無少長賤貴皆樂親之明知人所薦士如梁用之劉叔毖皆知名當世是修之學雖間未純然于明綱常為世道計必身履之而不徒託之空言豈非卓然特立者歟是修卒年四十有九時解胡蕭梁皆見諸文字然屬倉卒不及詳今二十有八年矣知是修者獨余在每追念君子□白之節文皇帝日月之明既照其心豈當遂致泯沒□述為小傳以授其子轅使傳焉

東里集

陳孟省傳

楊士竒

陳泰和碩宗五季時自金陵徙來歷宋元以科第入口者六十人國朝心吾先生為江右大儒洪武初朝廷遣使徵議禮以老辭三子孔立孔奐孔碩見予所作墓表孔立孔奐皆明經擅文章孔立負才識卓犖不局於小節嘗仕為白水縣丞孔奐溫粹如玉隱居不出孟省孔立之仲子為孔奐後名鑒心吾先生七孫特愛孟省十四即侍先生上京師及考鄉試廣東江西旦暮不去左右者十數年為人質確苦學攻詩經及大學語孟中庸晝夜熟讀精思諸經史子皆通究治科舉業其文一本

泰和縣志

卷三十六

藝文

傳

二十四

實理而深斥浮靡之習弱冠甚見重先生長者同輩者皆徃質疑請益而愈日自進不少懈為人峭直寡合邑中士所與交者無幾人行道邂逅流俗人俛首過不一顧嚴義利之辨不輒受一毫於分之外年十五六即名其讀書之齋曰克治以自勵精楷書平生所繕錄文字甚富一點一畫必如法蓋類其為人邑大夫舉充學弟子員歲甲子江西鄉試衆皆必孟省在高選是歲江西聘心吾先生考試有令考官不得以子孫預試遂格不入口外再試將入會聞大父喪遂止同門生素為孟省

薄者訟孟省謂無祖喪不就試之令有司刻深不明竟坐孟省不應而罷其弟子員已已凡罷黜弟子員皆徵詣京師分布諸司治吏事踰年孟省抑鬱不得志竟卒蓋年三十有五一子西安少孤失學易業賈而卒無嗣先大人孟省姑也余生後孟省十歲卅角嘗從學焉既長最相厚孟省志甚卓學甚篤行甚堅卒不遇以困死非其命耶大挾藝求試以干祿也大父喪不恤而汲汲於祿禮歟執法吏不推人情明禮義可以為良歟吾著孟省之事以悼賢者亦使法吏有警云

東里集

泰和縣志

卷三十六

藝文

傳

二十五

大鄉徐公傳

羅欽順

公名貢字廣賢姓徐氏泰和水南大原里人也其先自萬安早口來遷曾祖諱應麟祖諱以忠父諱孟朗先兩世繼為區賦長至其父始得代乃別築車谿之上篤教諸子公與伯兄川季弟威俱有異質相與共學交相切磋學成相次領鄉書成化甲辰公遂登進士第明年例與告寧親俄遭內艱宏治戊申服□還朝授南京兵部職方司主事甲寅署車駕員外郎丁巳陞郎中還蒞職方會詔舉賢才南大司馬張公悅少司馬張公敷華同

以公名上遂陞福建布政司左叅議公為人端厚謙約而嚴於自守遇事務叅酌情法之中弗苛弗縱在兵部時嘗建言職掌五事俱得旨報可其處置公差船隻撫存犯罪夫役人尤便之初至福建有豪民冒種海田招致徒黨以數千計鎮巡疑所處檄三司集議莫敢堅決公曰吾嘗察之稼事十六七成矣急之必致變宜俟其獲懲其人而申嚴其禁自可無虞衆遂以其事屬公事卒賴公而定閩之鄉士累建請鬻僧田部符下藩司查處公時兼管四道既考見其都數察諸議者意皆主於

泰和縣志

卷三十六

藝文

傳

二十六

奉行公獨以為田之在僧糧差無幸免者今欲變賣則其間虛糧萬數無所於征且賣入勢家則優免者必多差將誰任况諸大寺僧徒佃客各不下千人一旦奪其所資以生者其能安坐以待弊乎此其不可明甚以報戶部雖駁令再處竟亦不果行也建寧大水壞及城門公董工修築城中舊有流泉一道□堙弗通屬頻歲大災且科目乏繼談者皆謂泉堙致然求通屢矣而泉之入出干涉城垣用此率難其事至是公慨然曰事機之會其在今日乎遂䟽導之以其方已而士□興災頓息

建人皆曰徐公之賜也漳浦之南韶地鄰廣東流賊嘗入犯□□□辰築其城置一守禦千戶所實以漳州衛官□□□於策為長議未行而賊復入至以巡捕官去公即時督厲兵士擒獲其首惡及黨與二百餘人遂舉行其初議城既展公廨營房以次就緒居人始有寧宇其地嘗封閉銀坑一所即令守禦官軍以時巡邏而罷遣其客兵歲省口糧幾二百石福清縣庫被刦盜不時獲邏者計誘二人許以自首免罪乃妄引平民八十餘人公廉知非其緩其獄而竟得真盜八十人者皆賴

泰和縣志

卷三十六

藝文

傳

二十七

以免惠安丙洲兩鹽場鹽苦而黑商中殊少例許折納銀米場丁仍晒鹽貨賣時泉州一衛以犯鹽禁當戍邊遠者二十人公不謂然一日以問臬司犯鹽禁者何處或答曰有例二千斤以上邊遠克軍公曰例首不有越境二字乎在坐皆默然有慙色自此間遠戍者鮮矣福清舊額魚糧七千石比年所入纔及四千公究知魚戶舊則船八□料者納糧八石六百料者六石其餘以是為差歷年□舊戶日消而新戶日長弗登於籍乃一一覈實新戶□各徵其半以補舊額舊額頓復而其民一

無怨言佐閩藩垂十年政績甚懋屢為巡按御史所旌正德己巳春陞河南右叅政事有干藩府者據理平處人皆愜服其年久陞遼東苑馬寺卿會公久病未痊先已□疏乞休致辭甚懇遂得請而歸公平生謹於事親居□有禮既仕獲再贈其父南京兵部員外郎母歐陽氏由安人進宜人及休老于家歲時輒躬詣先塋展省增壤屏翳祠堂敝則重建之待子姪及宗族姻黨皆有恩意然隨事警飭亦不以姑息為愛也去縣城止隔一水非公事未嘗入士君子尤高仰之公生正統戊辰卒

泰和縣志

卷三十六

藝文

傳

二十八

嘉靖丙戌年七十有九年矣深惟始終常理乃相地於天柱岡尖峰之下築壽藏焉既成以銘見屬余嘗執筆史館粗聞書法有如公為人為政皆卓然有可稱述謂宜立傳以傳久遠乃據曾桂陽所錄事狀叅以平日所知為次第書之如此盖善善之公也公元配劉氏繼周氏贈封皆宜人四子郃援例冠帶郃郡郃俱邑庠生而郃前卒

論曰先吏侍公方嚴少許可徃官南雍最與公厚善余以此獲從公遊公嘗與余談經理致精確粲然如指諸

掌余心服焉其學之所得者深宜乎施諸政理□□□
吏所能及也然則君子其可以不學乎

整菴
存稿

胡行恭傳

王時槐

胡行恭字民敬泰和人幼孤穎敏強記家貧為童子師
取資供母晨起櫛沐伺寢門問所宜苦以為常母既没
家無餘資或竟日絕炊手一卷坐中庭曠然若不為意
性好讀書貧不能購則時時從人乞假手錄至數十部
殫思天人之際究極物理之原每有探會輒箋疏其義
故善里中刑部郎周尚化周砥節剛廉乃獨推重行恭

泰和縣志

卷三十六

藝文

傳

二十九

一日貽書議及詔旨裁抑生員可否行恭報書至再極
陳其不可狀且曰裁抑之說起於青衿之子請謁公事
假私蹊以備員此固流弊之甚僕則以為周士之貴秦
士之賤皆有繇來非可以一一罪士也夫欲導為射示
人操矢欲導為御示人執轡今盡以科舉而督實行是
猶誨射而示轡誨御而示矢也豈可值乎故科舉之外
必行薦舉則篤行之風倡必坐舉主則憑私之路塞就
有檢邪之人懷無狀之心者不得廁其間矣乃欲為定
額以抑之不亦後乎周得書歎服且曰使薦舉法行□

首詣公車舍行恭其誰耶行恭 伏蓬蘼不忘當時其
誨子以實行為學而戒務名富貴利達一不置諸口子
天鳳能遵其教嘗從雩都何公秦黃公宏綱聞陽明先
生之學初疑信半久之中夜體認瞿然有悟曰是有本
之學也乃著自信篇又以理非在外特著理論以正後
儒之誤云

人文
紀畧

李之梁傳

劉夢龍

之梁字吾鼎姓李氏以字行邑西之文溪人李世為西
昌儒族曾大父應師大父春茂俱邑庠知名之梁生而

泰和縣志

卷三十六

藝文

傳

三十

穎異稍長肆力於學聖經賢傳暨諸子百家靡不究涉
每遇古人忠孝事輒感憤不能自己弱寇受知於學使
侯峒曾補邑弟子員旋膺貢選捧檄當北上入對會張
李倡亂海內鼎沸甲申自成陷京師聞報髮上指兩眦
盡赤曰吾獨不能為國家効尺寸力哉已而兵部尚書
萬元吉閣部楊廷麟吏兵兩部尚書郭維經同守贛城
乃杖策謁郭於軍門郭與商方畧心竒之薦授監紀推
官丙戌十月四日 大兵取贛城萬與楊赴清水塘死
郭繼之之梁北向再拜曰吾始從郭公將以有為也公

死吾何生為亦赴清水塘死焉夫當崇禎之季文武有位於朝卒懦怯不能一出力討賊我

朝誅戮李函為莊烈復讐出民水火天命久已有歸而萬□□公猶欲為於不可為之日為國盡命然猶曰封疆大臣死固其所之梁初釋褐叅議軍機於郭非有不可解之義而於國家亦未有不可逃之職也乃爾捐軀赴難從容就死豈不誠烈丈□□泰和素多忠義士宋季死寶慶者有曾忠愍從文山先生死者有六忠元季死者有十義明初死建文者有周□善末年又得之梁泰和縣志

卷三十六

藝文傳

三十一

與廖龍彭會諸君子後先繼起輝映當代邦名忠義良有以夫

新志

曾母蕭孺人傳

梁潛

蕭氏諱懿貞里之沙瀾人也歸匡原曾君子常未及一朞其兄以區長董賦京師註誤籍家兄弟夷徙而子常先已遠竄孺人因潛歸於蕭易髻而鬢吏得之鬢也訊之曰我待年女安知夫所輾轉刑訊五毒俱下第對如初而子常由此得脫草除中赦歸舉三子而曾君棄世孺人年少子持勤苦孀幃令諸子有成皆孺人力也夫

以一女子鼎鑊不渝克全其夫於難使一姓之舊□□
為恢復可謂貞而烈矣予故樂為之傳使後世子孫□
知母德之宏遠云

新志

義□劉氏傳

彭家屏

劉氏□倣慈吉州泰和仁善鄉人已旌故孝子蕭道邇
之妻也父曰作霖國學生少受姆教早有賢名年十八
歸於仙槎鄉蕭氏孝以事尊敬以事匹閨門內雍穆□
風時舅及繼姑皆高年垂白承懽色養甘毳畢陳道邇
天性純孝事親之外不治別業氏秉家政勤以率人內

泰和縣志

卷三十六

藝文

傳

三十二

外肅然道邇常侍父疾三載衣不解帶食不辨味氏副
厥志亦寒暑弗渝也及卒道邇苦廬於墓氏惡衣糲食
旦夕哀號行路之人皆曰此真孝子之婦也雍正癸亥
夫亡治喪豐嗇如禮于是持家益儉家財日裕訓子曰
嚴子皆成名而性好善樂施予乾隆壬戌秋歲穀不登
次年五月米價翔貴里中皇皇氏先發家穀以糶石損
直二百既而餓者載道乃煮糜粥以賑之分設三局以
別男女日就食者雲集賑畢復有聞風遠至者人與米
二斗其族之貧困者未可以賑列也人月與米三斗計

所費白金千百有奇全活者甚衆鄉里德之為□祝焉
若夫每歲施設茶水以解寒暑病者餽藥故者予棺建
橋梁濟渡平治道路仁心義舉筆不勝書遠近皆曰此
真不愧其淑慈之名也郎今乾隆甲子之歲年六十有
五神明如舊綜理家事勗勵子孫老而彌篤二子忠成
均弟子廷恩邑庠生皆克遵母訓號為良士噫為善食
報未可量也

論曰昔范叔孫周濟窮急嚴世期性好施與載之典籍
傳為美譚此風何以不嗣也劉氏以一婦人直哀鳴鴻

泰和縣志

卷三十六

藝文

傳

三十三

鴈之日慨然出其家黃以蘇梓里求之鬚眉中□□得
而不意巾幗中有此人也迹其所行善難枚舉□□下
人而類如氏則監門之圖可以不繪縣穀之詩□以不
作其有貫朽粟腐而甘為守財者聞氏之風可以興矣
予故給匾旌之而又善為之傳命入邑乘以永揚其善

行云

新志

匡山傳

逸名

匡真人許智長安人仕唐遇道輒下風以請一旦如有
所悟忽休官同姪和為洞天福地之遊就廬山葺菴未

成一叟告曰是山屬陰不能成道江之南有名山地屬陽多仙蹟則道可成真入乃揖叟下山過吉陽郡遙眺山峰詢耆老以靈跡告亟趨程欲往過大臯度憇古木下營菴舍未幾舍去訪義山途次遇老樵問程樵請前導真人駭之抵山引入深谷忽睹琉璃宮殿有霞服星冠者一見輒延坐歎語真人愕然回首見童子在側詢曰此地非塵境其仙境與章告曰此王真人洞也真人驚喜謂今日鍼芥相投良久真人起徜徉四顧青衣樵叟莫知所之回視宮闕岩石而已於是就地穿岩架石

泰和縣志

卷三十六

藝文

傳

三十四

攀長藤營古木成菴擇第十三峰創禮斗壇壇旁穿浴丹井菴前植仙藥開八卦爐煉丹天降雙鯉於井施藥救人山下老稚茹之者病痊識面俱稱匡仙貞觀間登所築壇中元日上升今名第二壇在金文寺後東南隅騰嶺而上約行十餘里壇下途左地名匡山以真人姓稱常有仙燈隱見遠近見之又以金雞山名

康熙志

匡大郎傳

逸名

匡真人諱和一名大郎真人智之姪任亳州倅年踰六十慕仙風聞叔辭官旋亦解組叔作詩探其意隨即□

荅從叔出長安步數千里及寓義山往來泉石唯諾叔前嘆曰道在目擊出希入夷惟心堅耳偕叔煉丹暇日選勝概架險石起三橋俯瞰龍潭戲擲釣竿為常丹成日祥雲滋鬱香聞遠近仙衣兩襲墮壇所叔衣一襲上昇大郎擲釣未歸餘一襲飛還天闕既歸失其叔仰空攀號叔遣神人告曰帝賜仙衣汝不得祇受女當為地仙是夕轟雷走電又賜雷鼓自山椒下隨所止建壇朝夕禮斗次年七夕尸解聞於朝立像建祠祀之其空蛻衣冠葬壇下有塚猶存壇在崇元□後今名第三壇上

泰和縣志

卷三十六

藝文

傳

三十五

有古雷殿祠內有古柏古荆大數□千百載枝柯如新俱真人手植者左有含笑樹去地丈餘中虛有竹數竿出焉每春笋萌大風雨拔去舊竹新笋乃出相傳為挿釣竿地靈跡所鍾扁名曰仙本康熙志

義馬傳

梁潛

義馬者應承完所乘馬也馬頗俊逸左右持羈者數人僅足抑之非其主輒弗得乘然自歸承完頗馴承完由胄監生舉進士第為吉安泰和縣令泰和號難治承完至擿罰群奸不少恕于是搖毒以肆虐者一旦斂迹民

賴以息郡之胥徒來要利于民者徃徃垂橐去不敢出一言然承完質直材能不及中庸口吃吃每遇事未言而氣已盛民益喜之郡益惡其所為累構陷之承完積不能平輒舉郡之不律事十數往訴于朝或者曰子訥彼皆巨蠹且狡宜少忍之弗聽後竟弗能悉白遂死焉郡聞之即收市其馬以官價償之馬且行闖門數四即返執策者盛怒笞之馬輒人立良久馬垂雙淚如水終不可動邑丞躬造馬所諭馬使且徃馮蹭蹬強出門去累累然衆皆扼腕馬亦無復舊態矣暨至郡隔河五

泰和縣志

卷三十六

藝文

傳

三十六

里許徘徊顧來時路酸然嘶不已遂不復渡死於水濱牽馬者舁死馬以歸君子曰馬來歸承完時固有主矣迺獨不負承完固知人不忘報也哉承完在邑僅半載許豢養之恩能幾何焉馬不肯背主歸讎以死世謂馬比德君子豈不良然

泊菴集

義犬傳

周是修

吉泰和鳳岡胡如林之犬也有元初胡為泰和巨室如林胡氏之傑然者也富而敦詩書重交游喜射獵常入山以所畜爰犬自隨防虎而射之冥搜抵絕壑中卒與

虎遇機未及張而為虎所攫仆地將噉之犬見主危亡命以赴縱口虎尾虎棄人而從犬則退走喧叫聲動岩谷虎口攫人犬復以死進嚙如是者屢故虎不暇噬而如林已魄喪不省矣既而旁林之樵者訝犬聲之異群趨而視之虎稍驚卻犬奔伏主身若覘其傷占樵者知為如林併力逐虎如林移時乃甦迨歸賞樵者樵者辭曰公所以得免於虎者是犬之功也如林感其義撫愛不下所生數日犬以駭膽而殞如林慟之具棺斂以人禮葬焉君子聞之曰勢迫主危去死一間為畜犬而能

泰和縣志

卷三十六

藝文

傳

三十七

捨生赴救勇黠若此卒脫主難死以義稱為人臣食君之祿而有不憂社稷市私賣國臨難苟免貽唾罵於後世者嗚呼可以人而不如犬乎

芻蕘集

墓銘誌表行狀

清節蕭先生墓銘

胡銓

江左有隱君子曰蕭子荆諱楚號三顧隱客父仲舒死以甥從羅公括學攻苦二十年仕意不汲汲紹聖間以母夫人命預螺州賢書不中禮部程晉太學時方較聲律已獨窮經於春秋尤深秘淮海孫氏伊川程氏皆以

三傳聞受業者常千人先生徃質疑焉歸嘆曰政未免
着文字相作經辨衆高之謂是將名家乃更北面會母
老且蔡氏方君圖遂慨然引還入林下其與馮澥書謂
蔡氏欺國將為宋王莽誓不復仕澥得之驚今始證其
不狂常游巴峽甌粵氣愈豪放其寓於詩文者鈎章棘
句極閒淡清苦然種種譏切不苟作自漢唐迄今家春
秋者且千槩癖于傳而先生漸以經弟子餘百人傳春
秋大義者終三四如賢良方正趙暘與澥其人也澥以
忠鯁名天下初王氏出新學廢麟書士媚進無大略靖

泰和縣志

卷三十六

藝文

墓銘

三十八

康改元澥驟見與丞相吳公敏白上詔可之復置學官
議蓋先生出晚以其餘授銓幾十稔偶登甲科為春秋
第一歸拜牀下先生曰學者非但格一第第止耳身可
殺學不可辱無禍吾春秋乃佳異時有友坐誣繫大理
獄先生冒盛暑徃救終得不寃人皆道其義先生性疾
惡至亢聲色數不少卹及見善談不釋口暮年依明德
江陳公及與先君伯重為方外友以累免應得官不屑
屑就大臣約薦之朝度不可強亦已建炎四年十月二
十四日以疾終清風滿床文字枕履茶數串橫斜而已

享年六十七卜十一月庚申□于永樂赤岡之原吉門人縗臨且挽因以清節易先生名嗚呼士窮節乃見不幸不生孔子前與叔盼同卒可嘆也初先生壯未有室或以無後勸先生曰咄舜雖聖不能掩瞽瞍之惡顏淵□□無胄嗣而祀典百世益肅如司馬遷楊雄班孟堅□□以有後故顯也耶終不娶先生文集百餘卷多發明易春秋與陰陽卜筮占相醫方氏族星經地志字書圖畫九流百家及駁王氏遠至浮屠老子外國之說後宜大行先生前不諱日謂所親江君預凶事曰銓以吾

泰和縣志

卷三十六

藝文

墓銘

三十九

銘僕敢以不佞辭泣銘曰

繫繫古立言不以子傳過者肅之垂千萬世人文紀畧

雲山嚴先生墓誌銘

尹昌隆

先生諱復亨字自性姓嚴氏其先金陵人偽吳時避亂徙吉之泰和子孫因家焉世業儒十世祖曰震宋慶歷二年進士官至常州推官祖福可父斗輝俱隱德弗耀母蕭氏先生生有異質五歲能誦詩不逐羣兒戲莊重如成人士夫咸器重之比長從鄉先生魏天金授毛氏詩考質玩思或至志寢食所接識皆鉅儒望士由是□

益博文益竒時士干祿仕者率投牒求進乃得察舉補儒學官先生獨恬於進取不慕榮利闔閭授徒益肆力於為己之學元政教不明盜賊竊發先生退處邑之雲亭鄉假館於仁城蕭氏是時從游珠履常滿戶庭以才識知名者多先生帳下我曾大父月評公聞其賢即日脩書幣聘致家塾為子姓師先生隨才誘掖多所造就交處既久若將終身焉遂卜居石鼓山中海桑遷變大明御宇累詔有司訪求遺逸先生年逾知命愈不以仕進屑意嘗謂人曰吾非必於隱以為名高士出處惟其

泰和縣志

卷三十六

藝文

墓銘

四十

時而已晚自號雲山老人以見其志云先生孝友根於天性事親能得其懽心兄弟有無相通終始如一與交謹然無間士有一善則延譽不已苟有過則面折不阿以故賢者親而愛之不肖者敬而畏之言論磊落間與客語及前代故典歷歷如指諸掌聽者嘆服為諸生講說務推大義不事穿鑿文簡質一主於理詩直以寫其胸中之趣不屑以雕刻求工也平生少疾年既耄耳目聰明步趨飲啖不異強壯時將終猶力疾正襟危坐精□殊不亂左右懼其疲憊扶就枕席而瞑其善自持養

可知也先生生前元至正己酉五月十九日卒洪武里
戊三月初一日葬以其卒之明日墓在所居西南郭禾
坑□□□所嘗卜定者也門人以義制服者若干人合
營□□因其自號題曰雲山先生嚴公之墓配陳氏三
十一年卒無子以其弟鼎亨子為後曰宗武洪武十五
年秋以賢人君子徵僉湖廣憲司事坐按柳州坐事謫
居潁水後卒於家孫男四人長伯熊好文學克世其家
次仲虎仲彪早卒次季龍先生葬後六年是為改元之
初隆以御史為福寧令便道歸省伯熊乃來諗曰先祖

泰和縣志

卷三十六

藝文

墓銘

四十一

雲山先生與令曾大父以及子兄弟凡數世矣教授於
子家塾垂四十年前後及門者數十百人未有顯者不
朽之記非子誰歟子前方效官於朝未暇有請子既來
歸失今弗畱恐先祖逸志遺行日就湮泯以重不孝之
罪謹奉狀以俟採摭焉追惟甲戌春正月隆以邑庠生
貢成均拜別先生於家塾先生謂隆曰為學之道具載
聖經賢傳真知實踐則存乎人世有學未充己志於穀
既得之又恐失之竟何為哉今升太學尚友天下英□
以淬礪所學則他日臨政也何有孰知遂成永訣乎□

歲月之易邁愧前聞之荒落尚忍執筆銘先生哉雖然
詎可愬然亡言乎輒述狀而銘之聊以抒予衷云銘曰
嚴氏之先以儒善稱傳子及孫專用一經先生承之修
其世業□泳聖言充然有得銀黃雖貴得之或非時莫
我知我道在茲教施於鄉珮衿濟濟際今休明日老而
止素乎其位惟以永年有寧一宮式歸吾全厥韞弗施
委祉於後勒名瑱石用彰不朽

訥菴遺稿

前泰和州知州顧侯光遠墓誌銘 梁 潛

泰和始為州其民之衆亂久而後定治之尤難而國朝

泰和縣志

卷三十六

藝文

墓銘

四十二

初相繼為之守者得二人焉曰吳侯去疾顧侯光遠也
二侯皆一時豪士顧氏先世居河南自宋高宗南渡始
徙而南居姑蘓之嘉定元末有知侯之材者辟為椽京
口及太祖高皇帝下江南京口首納欵侯預有力其間
遂從高皇帝入金陵監大軍倉支納三年授江西行省
理問徙征陳友諒督饋運明年平陳氏擢知龍陽州時
方甲辰年也招附懷來剷革宿弊民賴以息越二年改
知泰和州龍陽老稚至號泣於道不忍侯之去至泰和
前州守即吳侯也吳侯以民好訟告於侯侯憮然曰民

有□抑安弗為之理民將安訴頃之訟者兩集侯□□
為書榜□紙長數丈誨諭諄切民爭來觀觀已去不訟
者十二侯□□凡訟者居譙門生思三日然後得訴思
不三日去不訟者過半矣乃擇吏純謹者一今置簿受
詞□□勾稽其始末民□負冤也輒為疏理非誠負冤
□□□止者聽不問未兩月民不復訟吏亦畏侯精敏
□敢舞文以病民境有虎適其時禁民私蓄兵民無所
措訴于侯侯為草檄告之神虎一夕遁去州以大治以
丁祖母憂赴闕陞辭命留翰林院同議編大明律律成
泰和縣志

卷三十六

藝文

墓銘

四十三

上進復命監造天下均工圖籍已而還服喪嘉定未幾
起復授廣東行省郎中二年召拜吳王府副相留京師
以他事註誤方逮繫間得疾飲水病結胷而卒臨卒為
詩壁間以嘅道其平生有白髮歸朝之嘆聞者悲之子
存誠殯于都南門外三里侯性澹泊不尚侈靡所居廨
宇室無長物惟藝蔬數畦食取充口衣取蔽體而已至
於治民事無巨細必盡其心在廣之日別廉吏均轉輸
浚城隍撫馴士馬安戢逋逃號令既明而賞罰必信遠
邇翕然及聞其歿爭欲為祠立石以頌其德者屬有禁

不可乃止侯嘗從元進士楊仲宏先生學賦詩氣豪□
贍而律謂渾厚尤工七言晚自號蔗境翁詩數卷題曰
蔗境吟稿云於乎侯當草昧之初能卓然諗知天命攀
附聖主以自樹立可謂壯偉矣而用未臻其極功業不
突□當時獨其善政在民者民不忘也瓊州守王君伯
貞往來廣海間得侯二子訪之又素知侯之惠爱不忍
□泯也為序其事以屬潛為之銘潛與王君皆泰和人
也乃著其事之大槩吳侯安慶人為殿中侍御史以歿
其後無聞焉銘曰

泰和縣志

卷三十六

藝文

墓銘

四十四

民歷草竊窮奸偷及茲弭寧誇相讐大吞小噬病曷瘳
正躬惠民邦兩侯後先敷政何優游隱絀舒伸暴帖柔
回適海沮嗟相差嗟哉我侯古罕儔衣被寵光壯謀猷
澤流盈溢爵未優身永逝矣名無休

泊菴集

孝子曾先生改葬墓誌銘

楊士奇

泰和有孝子曰曾元友先生沒而葬五十有八年矣其
子愚將改葬寓書北京曰先人初□不肖孤方髻亂不
能請銘於先輩君子甫冠而坐累□西川數十年幸老
罷歸又幸得吉壤將改葬先人而又不請銘不孝莫大

矣然先輩君子淪謝已盡今姻戚中知先人者惟子遂
視所述事狀曰必無辭嗚呼士竒外祖母曾孺人先生
女兒也士竒幼孤先生以外祖母憐愛之故時過撫問
又時遣人抱至其家親著膝上啖以糗餌教誦古人詩
成口輒喜動顏色士竒恒著於心不敢忘銘其敢辭按
曾氏自團練使某由金陵徙泰和始居邑西之文溪以
儒傳家代有仕者至梅伯宋舉進士紹興府同知析居
岳家巷子懷可元袁州路儒學教授學者稱鷗江先生
子思立篤學不仕學者稱竹間先生子三男一女男龍

泰和縣志

卷三十六

藝文

墓銘

四十五

友益友季即元友先生女歸陳靜得先生先夫人父母
也元友先生諱鼎元友其字晚更字有實孝友之行出
於天性自幼服勞奉養恒先諸兄元季紅巾寇猝掠泰
和先生獨負老母出走寇追及欲劫之去跪陳母老無
共養者寇怒揮刀將殺其母先生以身翼蔽母寇益怒
連數刀斫先生頂肩及足血流于地而抱母不舍寇帥
踵後至憫之命從者以及母子入營給米肉且敷善藥
數日創愈予資遣人護送出時兵禍日甚奉母竄伏山
谷甘旨恒充未幾江西行省叅政全普菴撒理辟為□

溪書院學正遂迎母就養全死奉母歸先廬既廢於兵
縣尉楊某為構室數楹居之榜曰曾孝子廬母沒哀毀
而盡力喪葬江西內附吳去疾知州事辟典稅課州人
譽其廉平洪武三年改州為縣侍御史劉昭先知縣事
以明經舉引疾辭八年知縣郝思讓建社學於城內外
教民俊秀朔望躬視督勸禮致明師十人以先生為首
館下生後多成名以升先生眉宇秀朗面潔白如玉儀
度偉然博學強記而專禮經工詩擅八分書範今為小
印章渾然古意占筮精康節數嘗竒中蓋春秋五十有

泰和縣志

卷三十六

藝文

墓銘

四十六

八生元延祐辛酉八月廿二日沒於洪武戊午五月廿
九日元配鄧氏繼配胡氏子男二愚頑皆胡出頑蚤卒
孫男三沆濬深深蚤卒曾孫男□□鑑錫銳元孫一數
改葬以某年某月某日墓在某□某山之原銘曰
凡人百行孝其權與為孝有□天將弗違矧曰人乎猗
歟曾孝子厥有錫類錫類無□□百世紀

東里集

蕭坦行墓表

楊士竒

靖江府右長史蕭用道坦行甫既得痺疾奏乞歸鄉里
便醫藥忤旨降宣府鷄兒嶺□□至宣府疾日益明年

七月十四日卒於官永樂壬辰歲也先在靖江時自度疾不可起預為墓志迨易簀之前二日取酒觴同官訣別又預作祭文自道其平生而寓天全歸無遺憾之意其可為達也矣既歸葬于鄉後廿有三年其子暄來求表墓蕭楊世婚姻家士竒與坦行甫兄弟在鄉里相交好在京師同館舍今之知坦行甫者獨士竒深比五六年士竒兩扈從巡邊至宣府經鷓兒嶺下馬入巡檢司顧眎其山川景物黯然蕭條莽蒼而追思坦行甫平昔志意未嘗不低徊感惻而繼之以涕淚也則表墓士竒

泰和縣志

卷三十六

藝文

墓表

四十七

何辭蕭氏出南齊西昌侯叔誅之裔世家西昌邑西柳溪之上其七世祖森宋衡山縣丞高祖古山曾祖靜安祖方平皆通儒隱居終身父尚仁學者稱正固先生尊為經師嘗徵至京太祖高皇帝與語重之特授潭府長史固辭除平涼府學訓導徙居邑比之栗園里元配楊氏士竒從姑也繼羅氏生坦行甫初諱遵字用道後以字行遂別字坦行云自少英特不凡負竒氣讀書日數千言治尚書而諸經子史皆博通下筆為文滔滔咸有根據一時同輩莫或過之正固先生沒其學者皆就□

行甫卒業後多舉進士去建文初詔郡縣舉懷才抱德者吉安知府朱仲智舉坦行甫送詣京師試文章翰林擢□江府直史授承直郎時靖江悼僖王好學得坦行雅敬□□所言多見聽用召入翰林修類要太宗文皇帝靖□□之師已渡淮在廷公□倉惶失措坦行甫與衡府紀善周是修上書論大計□斤用事者誤國書下廷臣及兩人議用事者怒盛□□詬兩人兩人屹不為動左副都御史練安言國事至此尚不容言者乎顧所論吾過有則改無則加勉詬者愧而止文皇帝既嗣天

泰和縣志

卷三十六

藝文

墓表

四十八

位命翰林及王府儒臣考閱洪武實錄坦行甫與焉事竟賜鈔時詔百司復舊制罷直史司為諮議所□坦行諮議無幾陞諮議所為長史司遂陞右長史授奉議大夫永樂元年從王之國桂林初至凡國中祭祀所需下有司備其後凡祭祀之需府寮屬皆勸王下有司備坦行曰初至倉猝不能自備可一行之不可以再且祀神在致吾誠使人代備物非誠况未請子朝而擅使民非制乃止後坦行進表詣京師王府竟下有司備□物□聞長史以下皆得罪王始悔不用坦行言坦行數言于

王宜務善納言以厚德奉法愛人以保福又啟陳八事
曰慎起居寡嗜欲勤學問養德性簡鞭朴之刑無侵下
之利□□府僚以通羣情簡擇謹厚之人以脩差遣又
作□□體仁遵義廣智四門箴以進王問四門之名遺
信□也對曰□常之信猶五行之土實有仁義禮智之
德即信在其中王又問古今人多好名何也其意以□
坦行之屢□言對曰君子必不好名名與實譬諸影與
形有形斯有影有實斯名隨之矣河間東平皆有實德
故其令名在世與日月同一悠久惟殿下勉夫在己之

泰和縣志

卷三十六

藝文

墓表

四十九

實耳凡於進講之際必反覆敷暢其旨坦行負直氣侃
侃能面折人過失未嘗稍屈己求合一語不合掉臂去
不顧而嫉脂韋軟媚人恥與同列事親孝以祿不逮養
在公遇盛宴饌未嘗醉飽於族姻有恩於朋友有信義
性淡素一繡衣入朝則服公退布袍蔬食不改處士時
為政達於大體所著詩文數十卷藏於家世之仕者巽
慳不□久矣蓋士以氣為主而以理充之則無徃不直
考坦行甫躬之所蹈位之所施其正直剛毅之氣可為

仁且勇哉

東里集

陳處士墓表

楊士奇

處士姓陳諱果字孔碩父海桑先生國初以碩德正學望重大江之西三子皆文學傑出士林處士其季也材高□□負有用之具無施不可而未嘗一見於用年四十□五而卒嗚呼惜哉其先五季時自金陵徙泰和世□□書家宋元階科第入仕者六十人而處士之曾祖祖父皆不仕處士自幼雋爽廉重六七歲讀書一過目□了大義賦詩作字超獵諸兄先生長者皆矜其不凡長而篤孝友父母沒哀慕終身喪祭一用朱子禮不為

泰和縣志

卷三十六

藝文

墓表

五十

浮屠老氏之教所親有強之者曰吾敢苟徇世俗以隳家法以陷於不孝乎兄子凱不肖矯父命奪其貲直數十萬緡悉寘不較曰吾豈以是傷同氣哉為人豁達務大體而持行兢謹若處女雖賤視汙濁士若將浼已然未嘗見詞色自少負四方之志嘗踰五嶺睇南海反而□衡山絕江以達中原歷齊魯燕趙踰大行蹤覽咸陽涉淮至浙弔古人之遺跡而交其名人君子充益所未至嘗愛華山之勝自號太華生前史官蘓伯衡為著傳以洪武庚午十月廿三日卒嗚呼士誠德足以容衆材

足以濟務必用於世以著及人之功然士自□者必□
枉已求用固係乎用之者之求之也如處士之賢雖有
知之而皆不在當路則固莫之求也處士沒今三十有
餘年當時知之者亦且盡矣士竒處士甥也少孤貧處
士□提獎之務學使不墜蓋至今不忘謹撮其平生大
槩表諸墓以示來者

東里集

郭彥常墓碣銘

楊士竒

永樂元年十月詔吏部下百司舉才德之士在末位及
隱處於下者時翰林修撰梁潛與士竒謀曰郭彥常闔

泰和縣志

卷三十六

藝文

墓銘

五十一

疏果毅練習當世之務且公方負氣節有大體此人可
與稱塞明詔議協將十日以聞會有言彥常病久乃止
又三年彥常竟以是病不起余兩人哭之既而相與嗟
嘆卓□□世之從政者其皆如彥常矣乎彥常沒豈獨
為吾徒私惜之哉既葬龍門山今年其子公緒以狀來
請銘嗚呼雖不忍銘不可不銘者昔家居時與彥常同
里未嘗一日不見見未嘗不相傾倒傾倒未嘗不在於
道也而今已矣不銘可乎郭之先岳州臨湘人六□祖
匯宋季舉進七為袁州司戶始徙泰和□巨川考慶宗

母蕭氏二子彥常其仲也自幼穎異七歲喪父哀毀動人季父登州教授敬守喪其子獻以彥常為子洪武初教授公為都稅司副時朝廷初建國子學簡京官子弟之秀者充□生彥常與焉受經於學錄蕭執先生先生亟□教□公曰是兒異時有用之器也未幾以養親丐去初元□兵亂彥常同產兄被俘不還至是教授公曰素何以我故而令吾兄不祀命彥常歸主其父祀曰爾生子當令後獻其後教授公歷官瓜州武岡漢陽登州彥常悉侍行調護供養曲盡孝敬教授公在登州得疾

泰和縣志

卷三十六

藝文

墓銘

五十二

聞之即日治行徃省比至已沒奉柩還喪葬如禮平居以教子為切要嘗戒之曰舍學不知人之道舍經不知學之本皆遣從明師游與鄉人處和而信于時賢士君子皆與之交彥常儀觀魁偉雍容修整而其論議識鑒卓然非輩行所及不以䟽戚廢其是非之公閭巷有忿爭不平徐出片言折衷之皆怙怙以止閭居未嘗忘人之憂嗚呼使其得一郡一邑而為之足以安利其民不辱任使然卒未及少試以沒此豈獨彥常之不幸哉銘

曰

木堅良兮為舟為□玉縝栗兮為珩為琚嗟君子兮世
所需命之弗逮兮其何傷於余乎

東里集

劉仲良墓表

楊士奇

嗚呼習俗之下為士不能以義自重以得於內自適如
其身或子霑一命在當路率憑藉聲勢輟轍鄉間挾制
郡邑惟所欲是恣若後來或事敗勢失為世僂咲蓋不
暇慮雖有敗者相繼踵在目前亦不少自斂戢若此比
比也觀於今吾邑之士有子在常路而躬布衣居鄉能
以義自重以得於內自適者有劉仲良焉仲良之子咸

泰和縣志

卷三十六

藝文

墓表

五十三

佐憲外藩十六七年任重祿厚郡縣吏曰趨走庭下然
屢迎仲良就養皆不赴仲良所居故在泰和邑市中乃
之邑南澄江之陰十數里買田築室率少子往就耕所
耕足歲計外有餘間釀酒獨酌賦詩為樂泊然無他營
或時與田夫野老分席相嬉娛蓋鄉之人如不知其家
有仕宦也此豈流俗人所可同曰語哉劉之先五代時
柳州判官曰況者始家泰和其後至瑩中生慶源慶源
生存善存善娶□生三男子仲良其仲也諱彝自童卯
已雋爽穎敏書一過目能記誦時從海桑先生學初習

為詩已臻思溢發同輩皆不及為先生所重然否自矜
銜雖父兄不深知之仲良有才具既壯未試註誤謫戍
遼東成長之賢者以竒士禮之有所疑就質焉仲良處
患難十餘年不改其度如一日及老代歸則昔之朋儕
物故且盡獨處自怡所居有小樓名醉吟坐其中書冊
恒不釋手仲良平居孝友自作先祠率弟姪置祀田歲
時奉祖禩遼東歸其故田廬什器為宗人奄有者悉不
問處物能恕咸在官數寓書或詩飭勵之縉紳大夫覽
之咸見獎嘆亦有和其詩者其平生故人在要路者未

泰和縣志

卷三十六

藝文

墓表

五十四

嘗一通書問而聞其所為善事輒喜津津見眉宇如己
出非幽貞樂善者歟仲良詩晚益蒼然有壯遊集醉吟
稟及所著劉氏譜藏於家仲良與余同里少同學陳先
生之門相知有素其卒也咸在京師聞訃遂求余文表
墓嗟乎鄉人長老讀余文其必於流俗乎有感

東里集

周是修墓表

王直

紀善諱德字是修以洪武三十五年六月十六日卒于
應天府學舍年四十九子轅奉骨以歸既葬矣又謂其
地之不吉也以宣德元年十二月壬午改葬陽岡里舉

岡之屋後初葬時翰林侍讀學士解公銘其墓久之今少師楊公為之傳先生之賢由是而信于後世今年轅以江都縣學訓導秩滿來北京謁予告曰先人之卒得二公之文誠足以不朽矣今既改葬若揭表墓上豈不□彰徹顯聞此不肖孤之志也敢請于先生予嘉其孝而諾之先生之先蓋居泰和爵譽里其後乃徙灘江復徙陽岡里舉子岡曾大父月溪大父于德父邦賢皆不仕先生少孤貧喜學力于孝悌忠信其胸次坦夷明白事非義不為遇人無少長貴賤皆有恩意然于是非白

泰和縣志

卷三十六

藝文

墓表

五十五

黑無所混初受業于里儒胡渚樵渚樵愛之以孫女女焉又從國子學錄蕭先生執授詩經學成舉教官授霍邱訓導太祖高皇帝竒其貌問常所業對曰教鄉人子弟讀書為善遂停訓導擢為周王府奉祠正尋陞紀善王聞其好著書使歸取以進予時始識先生清修玉立溫然君子也高皇帝上賓王以過失聞府中官屬皆得罪先生以能諫獲免改衡府紀善入翰林纂修常侃侃論國事詆諸柄臣衆嫉而挫抑之先生不為動太宗文皇帝靖難至京師宮中自焚先生即為書以後事託其

友暮入應天府學自縊死文皇帝以臣民推戴既即位御史有言周是修不順天命請追戮之上曰彼自盡其心而已置不問上之心天地之心也嗚呼死者人之所難也先生職預纂修在翰林衆官方疑畏可以不死然而必死焉亦求其心之安而已先生于綱常之誼躬履之如此平生書無不讀經史百氏皆能言其意為文思若涌泉然必根于理而尤好吟詠其所著有詩小序詩集義詩譜論語類編廣衍太極圖觀感錄綱常懿範邇言家訓芻蕘集進思集其于朋友能相輔以道所最厚

泰和縣志

卷三十六

藝文

墓表

五十六

者若學士解公胡公少師楊公而所舉者侍讀梁公潛辰州同知劉公叔恣皆以文學德義政事重當時觀其所與與其所舉者則先生之賢益可知矣今卒四十年而有令子汲汲然思著其德于久遠此又可見君子之澤也故為之書使刻于墓上

損菴集

贅菴先生行狀

尹昌隆

先生諱尚字子上姓蕭氏吉之泰和人也相傳為梁昭明太子統之後世居南康匡廬左山宋紹興進士直秘□問左司諫右正言致仕左宣教郎提舉洪州玉隆萬

□□勒先生之世祖也元贈奉訓大夫江西等□□
中書省左右司員外郎追封飛騎尉永豐縣諱立道先
生大父也元至正癸巳鄉貢進士累官奉訓大夫福建
儒學提舉行樞密院叅議諱湛先生父也祖妣封永豐
縣君妣楊封永豐君先生生有異質五歲即能誦古詩
文過目成誦前輩多竒之暨成童隨父宦遊南康維揚
浙省遇名公聞人即受學而提舉公遷官閩中時在憂
道梗塞先生奉母家居益篤志問學大肆其力於經史
百氏之書雖當兵燹擾攘之際未嘗一日廢其講習計

泰和縣志

卷三十六

藝文

行狀

五十七

論之功故凡天人之理性命之奧醫卜方技釋老之說
靡不博采窮探以極其指要洪武壬子賓興有司強先
生就試遂以書經擢江西鄉試第二明年上春官有旨
免會試授給事中以目疾辭退歸鄉里偕其弟子穆買
田築室於雲津江口以養其母假館授徒於仙槎尹氏
成學者稍進洪武己未首被賢良徵諸京師尋丁內艱
去明年往閩中省庶母雷於延平既歸從遊之士戶履
嘗滿庚午秋聘為福建考試官癸酉復典廣東文衡所
收多才士當時稱賢主司甲戌之歲天子倣石渠故事

意其□趣深長淵乎其深而莫窮也超乎其□□□□
也□□歌五七言雄俊雅澹各得其體無愧古作者有
贅□集若干卷藏於家隆游先生之門最久感教誨之
恩極深念無以發其幽潛故敢述其大槩以干於太史
氏幸矜而與之銘俾刻諸幽堂則庶有以慰先生於地
下實隆與諸孤之願望也

訥菴遺稿

周是修行狀

梁 潛

君諱德字是修吉之泰和人也其先世有諱矩者在南
唐為僕射兼西臺御史由金陵徙泰和之爵譽里家焉

泰和縣志

卷三十六

藝文

行狀

五十九

僕射後八世至潭州主簿榮中自爵譽徙灑江又四世
為月溪先生即君之高大父也月溪生貴禮貴禮生邦
賢邦賢方壯適元季天下大亂奔走無寧日嘗一日盜
至邦賢携其家譜及僕射公夫人封誥夜走五雲童僕
倉惶相失誥與譜俱失焉邦賢憂鬱成疾積歲餘而沒
是時盜益熾君年方六歲髻首孱然與母夫人彭氏居
稍長俾受教于鄉先生胡渚樵寇至則避寇去則亟往
學居數年彭夫人卒君煢煢無所歸渚樵察□氣質粹
雅好學穎悟能謹飭其行遂以孫女妻焉四方兵定□

創居于舉子岡為軒一楹題曰寫經軒環植住菓雜以松篁花卉滿匝蒼翠鬱然君日與國子學錄蕭子所往來相講論九十餘年薰融暢達既騫以張落筆為文頃刻數百言蓋駸駸乎作者矣洪武乙亥春有以通經薦于朝者授霍邱訓導入陛辭高皇帝目之問曰汝年幾何君頓首對曰年四十曰家居何事曰導人為善而已帝喜留之翼日教授周府奉祠正踰年丙子三月從王出巡漠北渡黃河歷太行東北入邯鄲過趙襄子故都為文以弔古情極豪邁又北逾涿郡過燕都出居庸關

泰和縣志

卷三十六

藝文

行狀

六十

抵黑山覩蘇李之遺跡訪衛霍之故蹤一時豪氣橫放襟懷盪滌思若湧泉應教作賦援筆立就至限以十步而遽成七言四韻王深嘉之洪武乙卯還朝陞衡府紀善與纂修于翰林數陳論國家大計及見用事者誤國輒面斥之不少貸歷四年聞靖難之師駐金川門遂入應天府庠自經實洪武壬午六月十七日戊辰享年四十有八嗚呼痛哉生子二人長曰輪次曰轅女五人曰清嬌淑嬌已適名家子淳嬌濂嬌淋嬌皆幼在室君生平好學不少倦每退朝之暇即伸紙濡毫為嗚嗚聲文

先理□務為坦夷汪洋浩浩不可涯涘若三峽束百川
放而注之海也若寒谷春回萬卉皆萌生意各具可玩
而愛也君立志甚高不隨俗以為同不立異以自衒揚
人之善惟恐未至去己之不善惟恐未力奮然以古人
自負以志節自與嘗曰忠臣不以得失為憂故其言無
不直貞女不以死生為慮故其行無不果取先代及近
世貞烈死節之事聞見所及史傳所□者著一小傳名
曰觀感錄平生所著述有類編論語二卷廣演太極圖
一卷詩經小序及詩譜集義三卷□常懿範十二卷□

泰和縣志

卷三十六

藝文

行狀

六十一

言四卷家訓十篇詩文十餘卷皆藏于家歿三月其季
子轅來京師收骨返葬于鄉之仙人石邊兌山震向鳴
呼悲夫君之立志積學有素矣學未盡行志未盡伸而
遽焉以歿豈非命也耶然節足以勵世文足以傳後即
千萬世猶存也餘何論焉余與君生同鄉知好特深故
即其所自序家傳摭其平生之大槩為狀如此以授轅
俾乞銘于當時之大人先生云

泊菴集

龍蟠先生跋

附

濮中玉

靖難兵之既捷也一時在位縉紳激於致身之義□志

而慘歿者不可勝計乃周龍蟠先生獨蕭衣冠躬告先聖盟衣帶雉經尊經閣倘所謂成仁取義者非耶噫□此志也雖與採薇比節日月爭光可已玉曩入白門泮宮拜瞻顓祀夢寐若睹無何承乏西昌實先生毓秀里也春秋舍奠於堂則又徘徊而不忍去舉先生所手書致君訓後之論禋躬衡世之旨一一從裔孫銓部章南公處反覆展玩曩之所夢想與游嘆息於不及者今且親炙矣銓部公春所遺言不啻什襲製為三卷敢拜手以跋夫先生者綱常為擔承生死若且暮榮遇如浮雲

泰和縣志

卷三十六

藝文

跋

六十二

真文信國公以後一人何籍後學之嚮顧非以後學而論先生緣先生警惕後學也登先生之堂讀先生之書者毋利疚毋威惕毋冥冥墮行毋皎皎要名庶幾聞風而興起乎不則先生且竊笑而擯斥之若蘭艾然矣敬書數言以志景仰之私躬逢之盛云爾若曰闡揚幽芳則無取貂續為也

康熙志

按泊菴文稱龍蟠先世諱矩者在南唐由□□□太和之爵譽里則爵譽之名自南唐已有□稱矣非始於宋天聖中之周中和也李穆宏治志□□

里有三大夫中和其一故里號爵譽又于地名紀
原內列爵譽之名云其地五里有三大夫故名并
引劉崧詩註以為黃漕胡爵譽周禾溪蕭三家皆
仕至大夫而爵譽去黃漕二十里復與五里之說
相反不知爵譽之名非始於宋皆出後人附會耳
得泊菴是文為之豁然

哀辭

正固先生哀辭

楊士奇

於戲自正固先生沒而吾邑之學者無所定於趨向無

泰和縣志

卷三十六

藝文

哀辭

六十三

所質於疑惑無所資於故實無所得於效法貿貿焉俛
俛焉如瞽行中夜無所問道也故皆傷悼不能自己焉
先生諱岐字尚仁姓蕭氏學者因其所自號稱正固先
生吾邑在大明受命之初有陳海桑先生王竹亭先生
與其弟僉憲公有尚書劉公與其弟東原先生有臨淄
令歐陽公有廖愚寄先生有正固先生又有德安貳守
羅公臨安倅楊公國子錄蕭公臨晉令郭公皆邑里之
通儒來學之宗範諸先生相繼沒世而學者未至貿貿
焉俛俛焉如瞽行中夜焉者為有正固先生在也今正

固先生不可復作則吾邑之學者所為哀悼其能自己乎哀之不能自己於是見於辭焉辭曰

惟民從道兮克善攸行智有弗及兮道不可明仰彼先覺兮揭蒙發懵嗟若先生兮昭哉博閱服仁與義兮秉忠貞稽諸天常兮考明經言為訓式兮行儀刑濯湘流之清潔兮佩澧蘭之芳馨曄威鳳其五章兮何不游乎虞之廷止高岡之梧桐兮獨雍雍而時鳴雲鴻遵游下田兮斥鷃翔於青冥小大胥適其宜兮羌獨偃蹇乎林垆嗟若先生兮其誰與擬考德而問業兮日誦誦兮其

泰和縣志

卷三十六

藝文

哀辭

六十四

來止惟匠石之良兮飭梁棟以杞梓材雖小而畢達兮于楮臬而猶無棄白玉不遇夫磨琢兮雖良質而焉試夫既自我成之兮固處賤而道貴差若先生兮何不可以少留何為一旦兮溘風飄而雲逝吁嗟失筮與龜兮吉凶乎吾何所諏紛盲瞽其邂逅兮又孰明夫道所由終焉偃偃兮如夜遊於乎先生兮委山邱空望龍門兮中耿耿而增憂

東里集

周尚志哀辭

楊士奇

仁山文水之間世家鉅族之盛周氏其一也周氏世居

泥田里後徙丁田余家去其地百餘里間有尚志甫德義不愧古之人然既卒矣未嘗得一見也及官京師其子彥竒為刑科給事中因出其族兄前進士矩所為尚志行狀載其所存所施者甚備於乎若周尚志甫豈易得哉使世之人皆為尚志庶幾可以復古之世而今亡矣因掇狀之所具為辭哀之其辭曰

惟光殖基篤其敷□世有書詩些迨于先生始其弱齡惇信而貞些冠而敏學從我先覺匪偕祿爵些吾親之思吾所得為鞠躬敢辭些族人昆弟予同一氣又敢廢

泰和縣志

卷三十六

藝文

哀辭

六十五

義些民之飢寒輟衣與飡中心式安些民子同類野死弗蓋時予之痍些凡民有爭一言持衡靡或不平些受遺秉義永矢無二危禍不避些賤貧自持理亂弗知朝恬夕嬉些六十八年埃風溘焉儵逝不旋些彼人無良耄期樂康孰可較量些生遏上壽没顯有後亦竟何疚些景仰幾時卒弗覲斯曷予弗悲些

東里集

雜文

蠶論

郭子章

月令仲春之月命野虞無伐桑柘鳴鳩拂羽戴勝降柔

具挾曲蒙筐后妃齊戒親東鄉躬桑禁婦女無觀省婦使勸蠶事蠶事既登分繭稱絲効功以共郊廟之服無有墮所以為天下蠶事勸也木各有所宜土惟桑無不宜桑亡不宜故贊亡不可事豳風之詩曰女執懿筐遵彼微行爰求柔桑則豳可蠶將仲子之詩曰無折我樹桑則鄭可贊車鱗之詩曰阪有桑隰有揚則秦可蠶氓之詩曰桑之未落其葉沃若桑之落矣其黃而隕桑中之詩曰期我乎桑中則衛可蠶皇矣之詩曰攘之芻之其屨其桑桑柔之詩曰苑彼桑柔具下侯甸則周可蠶

泰和縣志

卷三十六

藝文

雜文

六十六

禹貢兗州桑土既蠶厥筐織文則魯可蠶青州厥筐屨絲管子亦曰五粟之土其屨其桑則齊可蠶荊州厥筐元纁則楚可贊孟子告梁惠王曰五畝之宅樹之以桑十畝之詩曰十畝之間桑者閑閑則梁可蠶蠶叢都蜀衣青衣教民蠶桑則蜀可蠶猶之農夫之於五穀非龍堆狐塞極寒之區猶可耕且穫也今天下蠶事踈濶矣東南之機三吳越閩最夥取給於湖繭西北之機潞最工取給於閩繭予道湖閩女桑姨桑參差牆下未嘗不羨二郡女紅之廣而病四遠之惰也夫一女不績天下

必有受其寒者而况乎半天下女不績也豈第五十之老帛無所出不績則逸逸則淫淫則男子為所蠱蝕而風俗日以頹壞今天下門內之德不甚賢貞每歲奏牘姦淫十五母亦蠶教不興使然與公父文伯母曰王后親□元紘公侯之夫人加之以紘縵卿之內子為大帶命婦成祭服列士之妻加之以朝服自庶士以下皆衣其夫社而賦事烝而獻功男女效績愆則有辟古之制也彼大夫之家而主猶績奈何今天下女習於逸以趨於淫乎國家蠶桑載在令甲凡民田五畝至十畝者栽桑麻木棉各半畝十畝以上者倍之田多者以是為差特廢不舉耳故月令躬蠶之禮魯母績愆之辟與令甲桑麻之數此三者不可謂迂而不講也

康熙志

勸借文

吳正志

昔者臧公乏食必供粥而後甘符令好施每填門而心喜良由人我雖異苦樂自通貧富何常緩急時有况夫□□郡邑勢啟秦越而令稼盈倉箱食列鼎釜安享素封□奉坐視黃口之饑南陌之間纍纍鵠形菜色東鄰之舍嗷嗷婦嘆兒啼是可忍也能不念哉惟茲吉州威

號瘠土木行失令屬昔歲之不穰水德備凶逢今時之多澇千夫無庸於胼胝百室漸致於沈淪遂使驛驛青苗委泥沙而同□漸漸秀麥施銍艾以無期戶封范甑之塵家饌荆臺之玉下民之無祿若此造物之不仁謂何不佞建節封疆衷勤撫字褰帷屬縣目覩此離痛瘵奚啻切身臨滄每欲廢箸愧修禳之蔑術思拯救之無竒平□則小惠偶沾徒滋道困請賑則孤忠徒抱難徹宸聰雖耻納諸溝中安能厝之衽上廼捐薄俸復疏片言所望縉紳先生徧聞賢豪長者各分高廩之積用活

泰和縣志

卷三十六

藝文

雜文

六十八

涸轍之貧庶幾思明之田續命有賴元晦之里缺食無虞百六頓囿於春和十千可俟於秋穫夫相賑相助釀為親睦之休風愈有愈多炯若損益之明訓知此邦嚴於神里不憚樂施矧有衆邁茲人窮必垂惻隱貲財隨分願力稱心匪惟授升自量列雲霞之姓字抑且受命如響神風草之機權倘恡綱之猶堅肥瘠無關於上下則迷津之自墮勸懲共凜於幽明敢告同心蚤成義舉

謹疏

康熙□

勸農文

羅性

聖天子舉羣策以收太平之功予以命大夫來宰太和於茲二年去年春下車不一月即召諭農民於郊勉以力田戒以賦為經國之資食為生民之命勿惰及秋租令下不待鞭朴皆先期畢輸是知爾農之服吾訓也今維仲春靈雨既降率先秉耒敢弗躬親故重告為吾農者曰男耕女織衣食所關必勤以服勞則逸以自裕且秋田有租夏土有稅歲有定入民有常輸兼以夫里布帛之征土木攻戰之具悉仰土田以給於上力作尚懼弗堪而農詎可怠乎使歲一不登則民有餒色公家之

泰和縣志

卷三十六

藝文

雜文

六十九

賦曷供所需少或有逋法不容貸故予不厭再四誨爾農民為男務耕為女工織無好爭訟無學賭博無尚鬪狠無作盜賊無肆惡凌善無恃富吞貧為父慈為子孝兄愛弟恭患難周恤疾病相扶持宗婣鄰里必相和睦出入守望必相友助如此則變澆薄為淳厚之風矣其

□戾吾教言以或衆庶不勤四體游食於民矧國有憲

□必實諸法謹勿視為虛文具以速於辜宜各悉心勗

□毋怠

康熙志

祭太宰整菴羅支莊公文

羅洪先

曰嗚呼自少有聞慕公如渴知公為稀未知所學為之
慕者卓行清辭及見公書而始仰思公之立言不矯不
苟內得之心不啻出口儒佛之辨本心與天天有定理
而心幻焉以幻為心其用易肆推原於天小心勿貳故
公之行孝友是先作止語嘿無敢弗虔榮辱早捐薄俗
永絕位在冢宰年幾大耋四方望公如郊見麟比接顏
色退然恂恂天子敬公歲時問勞矜式國人咸賴有造
譬彼一家外傳之嚴雖無厲色子弟具瞻又如適途為
指迷者行雖由人覺在言下人方依公而公遽暇公能
自全如後進何不肖見公公不余棄言雖不煩意獨已
至出入以節車服以時小物必戒終身可師使以類推
歸于一是期成此身為報德地聞公之訃索然喪神孰
謂今世復得斯人束芻之哀阻於多故忽越歲年中心
如負先茲陳奠且瀆公靈愛而不弛尚牖其明嗚呼尚

饗

羅念
菴集

會奠晴川劉公文

郭應奎

嗚呼天不有意於先生乎兩就詔獄六僮並處百苦備
嘗六易寒暑人將謂其生還無期而天日不復可覩矣

顧乃憂患不侵，疹戾不蠹，容貌日腴，述作日富，卒然感一火之變，回九重之怒，曠蕩天地之恩，優游雲津之滸，苟非有默佑冥相之者，何能若是而不至於顛斃也？天果有意於先生乎？風采在朝廷，久傾東山一出之望，儀型在後學，遠邈伊洛千載之傳人，將卜其未究之用，與其未髦之年，所以愍遺於斯人者，惟其身存而道與之俱存也。夫何一疾踰月，百醫罔濟，竟長逝而不返，渺音容之莫覲，彼太邱長者之風，元城剛毅之氣，涑水篤實之行，象山精明之志，慨夫人之不可作，安得不共吾黨

泰和縣志

卷三十六

藝文

雜文

七十一

抱痛而流涕也。嗚乎！樗櫟長年，松栢摧敗，蒿艾蔽野，芝蘭憔悴，豈萬彙紛糾於天地之間，有邈不可知之理，抑亦元造無心而施之，不能無或悖也。惟先生蚤得陽明夫子為之師，又得東廓南野諸君子為之友，而榭山訥溪又相與砥礪切嗟於患難之中，而貞志以固守者也。若其宦轍所至，潁川慕黃霸之風流，潮陽仰昌黎之山十□□□□之豪傑，而師友之茲，先生之所以不朽也。奎等忝交游之舊，感存亡之變，爰酌觴以陳詞，塞胸臆而憤懣，豈徒友誼之一悲，亦與世道之浩歎，然在先

生委順全歸固當廓然遊太虛而無憾也嗚呼哀哉志

羅文莊公祠成會奠文

郭應奎

唯公名位顯於當時道德傳於後世蓋困知之學尊信程朱而躬行之實嚴別義利故自辭授取予之不苟以至進退出處之有度雖當易簣之際而從容訓誡無異平時信足以見其所養之大致也是故望隆山斗譽重圭_口居家而子弟恂恂化鄉而鄙頑善良其屢薦於朝也人將以為大早之霖雨其高尚而終於不出也人將以為千仞之鳳凰奉存問於八十之年天子尚有耆舊

泰和縣志

卷三十六

藝文

雜文

七十二

之思優恩禮於訃聞之日而九海內之士亦莫不嘆息而盡傷生榮死哀在公之福已享其全而其尤難得者俎豆專祀適足以為里閭百世之光奎等晚生末學幸嘗親炙悵輝容之既邈恍寤寐之猶即慶新祠之落成樹聲教於無斃敬薦醴以陳辭神歆慰其來格

新志

歐文莊公勅建祠莫文

郭應奎

於乎古學不傳斯行乃分承訛襲謬以盲導盲唯陽明夫子間世挺生專揭致良知以為訓真示泛滄溟之一航及門之士莫不與聞深造有得能幾何人嗟嗟先生

天啟師承虔臺拜謁聞語契如大寐得寤天日開明□
河有源而沛然流行由是至微不忽至大不驚至煩不
亂至樂不盈蓋圓機在我妙用常新堯舜事業舒卷浮
雲觀其孝友孚於宗族行誼重於鄉評遺愛存於治郡
雅望傾於翰林掌成均而多士丕變陟春卿而大議累
陳有卓越之識見有洒落之胸襟有宏偉之議論有和
粹之三神望之者若陽春之煦物聞之者若芳薰之襲
人故士無賢愚隨淺深而有得人有狂鄙拜下風而樂
親不幸山頽梁壞而儀型日遠於是立祠肖像而瞻依

泰和縣志

卷三十六

藝文

雜文

七十三

若存雖門人之私舉實允協夫輿情邇者臺臣上請朝
命下臨著為令典春秋遵行豈徒追崇夫先哲抑亦激
勵夫復生奎覩茲殊寵梓里光增薄陳告奠永佑斯文

新志

驅虎文

田惟冀

世際昇平應慶民生之咸若時逢熙泰豈容物類之不
仁凡屬守土耑司敢不如傷自責某受

簡命出宰泰和數載居官祇求影衾無愧寸心保赤□
亦神鬼所知念百里之地久登聖世版圖則萬姓之民

定邀山靈照察茲聞四都地方偃鬼作祟孽虎為□□
寂深村何堪山居肆橫荒荒瘠土那忍獸長爭雄野婦
村儂每驚惶於陌路牧童樵子常跼踖於山溪率獸食
人誰之責也擇肥而嚙厥有咎與雖治遜宏農敢曰負
子北渡政慙江郡難期斂跡東浮然昌黎刺潮而鱷驅
於海少連移嶽而虎伏於山屬在有司能不為民而請
命□非吾子奚忍縱畜以殘生綏佑惟神明護持於冥
默驅除是亟貴顯應於崇朝用是披述愚誠特申祇肅
山神社令當體上帝之好生峻嶺叢林毋任於菟之肆
泰和縣志

卷三十六

藝文

雜文

七十四

虐蚩蚩赤子長聞擊壤之歌子子窮黎不喪驚魂之膽
况值山空木落正可較獵捕亡倘復肆咆哮何難效善
搏之馮婦若猶張牙爪安必無正罪之童恢惟賴保障
以獲安抑求神靈而受庇風清月朗看虎豹之潛踪電
掃雷驅知豺狼之遁迹百室虔求萬民叩禱謹告

新志

韋武陽公碑文

梁 機

距滕王閣之左址不百步有屋如千楹濱江抵豪為韋
公祠祀唐元和中洪州觀察使韋公丹其址則公舊碑
亭也公之在祀典也久矣祀而宜百世不廢也又其理

矣唐前江西為江西道而洪地旱瘠水汨激民鮮寧居公以東川節度使討劉闢移察洪州救焚拯溺教陶灌田三年澤被八州事詳唐史不具述而麗其聲績則秦李冰之開蜀晉羊祐之鎮襄陽公其鼎峙也乎哉當是時諸藩鎮跋扈雲擾幸所在守土多循吏故卒復寧靖而公最第一宣宗乃勅守臣上公功狀詔史臣杜牧撰遺愛碑樹之江干民懼其剝蝕也亭而幕之以石而石亭以名即今公祠地也時公歿已四十年矣又十年其子丞相宙復察洪州建寺於旁置田以供香楮因奏為

泰和縣志

卷三十六

藝文

雜文

七十五

石亭院裴休題額意爾時已置守僧矣厥後宙之子孫有仕吉州而屬籍者其在泰和則水南羅團之韋是也自有羅團而公之碑亭祠宇至今猶輝煌江岍使往來者溯流風而流連嘆息於不忘雖公德所自致與同德而有力者之維護多方要以篤誠追遠聲香無忒其後之人蓋與有力焉顧捍災禦患而有功德公於祀典更何所嫌乃終唐之世廟祀未議宋初祀於五賢祠又歷三百餘年至明祀於旌陽鐵柱宮最後祀於三橋杏花村始專祀焉豈德之盛者必歷久而愈明歟正德間□

毀於兵至隆慶三年公裔孫有用賢者鳴諸當事捐貲
即碑亭故基建祠祀公當事為給劄置奉祀生二并以
祀宙自是脩物成禮亦遂不復隸有司之掌故矣繼更
亂離毀削益甚寺之守僧亦屢易其人我

朝順治初中丞張公朝璘一修復之至康熙而毀於火
時則有公裔孫經學重建之雍正二年又火時則又有
公裔□綸建之九年再火嘉會再建志不少衰嗟夫以
德若此天顧屢災之耶雖然由公至今九百有餘歲矣
天之道久則變其辰宿易移谷陵平陂與夫人事盛衰

泰和縣志

卷三十六

藝文

雜文

七十六

雖聖人不能與時數爭消息之運而人之道久則通其
詣力精神所極往往能自持于千百世之後而不可磨
滅故雖峴山之淚不保其有時而枯誓水之碑不保其
有時而泐而李羊之廟食如故功德愈彰公雖祀典偶
間于有司烈焰屢燬其神室而碑亭無恙祠宇更新歲
時來格居歆洞洞屬屬猶然一氣之子孫斯又李羊之
所未曾有者矣弁綸之再為修建也於祠旁更構屋十
數楹歲貲所入以供祀寺之守僧涎其利而攫之弁與
殿位等不能平牒訴於外臺凌公勅訊郡縣時新建令

□君南昌守楊君皆以廉直稱處置得宜兩服其心外
臺公躔之並允韋氏撰文勒石乃相與持讞語謁予述
所由以乞予言予殊懼不文無能發皇盛德以附于杜
司勳之後而誼屬鄉人又多韋氏素貧苦無恒產而有
恒心乃力盡能索求以光崇遠祖勲名表著古今勝蹟
□□□不及其賢如此公之祀雖更百世不廢焉可也
□□□典之不可復耶爰放其事之見於史志與前後
鄉□名宦所撰述之信而有徵者節次之如右于以彰
賢外臺之善政良守令之明允且以動我江人之遺慕

泰和縣志

卷三十六

藝文

雜文

七十七

于不已焉是為記

新志

按武陽公祠在會城西郭應入南昌府志及新建
縣志內因泰邑韋姓稱為後裔姑附錄如右然考
唐表丹宙為鄖公房不載子孫仕吉州事府志載
元和中有韋悅為吉州刺史又與丹同時非其子
孫可知此後仕吉州者秩官表並無韋姓未詳碑
文何據疑則傳疑不敢附會漫書於此俟考

泰和縣志卷三十六

終